



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXXXIX. Licentia fundandi Conventus ubique Ord. B. M. de Mercede
Redemptionis Captivorum.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

diam, ac illius Conventus, Domos, Monasteria, Fratres, & Religiosos hujusmodi sic separatos, & dismembratos, ac separata, & dismembrata in novam dicti Ordinis Provinciam Conceptionis Beatae Mariae Virginis Immaculatae in Regno Brasiliae ad tractum Sur nuncupandam, quae a propriis Ministris Provinciali, Custode, Diffinitoribus, caeterisque Superioribus juxta ejusdem Ordinis Statuta eligendis, nominandis, & deputandis, regi, & gubernari bebeat, auctoritate, & tenore praefatis pariter perpetuo erigimus, & instituimus.

Concedit huic novae Provinciae omnia Indulta, & Privilegia quibus gaudent aliae Provinciae ejusdem Ord.

§. 7. Necnon ipsi novae Provinciae sic erectae, & institutae, illiusque Conventibus, Domibus, Monasteriis, ac Ministro Provinciali, Custodi, Diffinitoribus, caeterisque Superioribus pro tempore existentibus, Fratribusque, & Personis quibuslibet, ut omnibus, & singulis Privilegiis, Gratiis, exemptionibus, libertatibus, immunitatibus, praerogativis, Indulgentiis, Indultis, quibus aliae ejusdem Ordinis Provinciae, illarumque Conventus, Domus, Monasteria, Superiores, & Fratres, aliaque Personae, tam de jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum pari modo, & absque ulla prorsus differentia uti, frui, & gaudere libere, & licite possint, & valeant eadem auctoritate harum serie similiter perpetuo concedimus, & indulgemus.

Decretum irritans.

§. 8. Decernentes easdem praesentes Literas semper firmas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari, & ab eis respective inviolabiliter observari. Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§. 9. Non obstantibus praemissis, ac quatenus opus sit Nostra, & Cancellariae Apostolicae regula de non concedendis Indulgentiis ad instar, aliisque Constitutionibus, & Ordinationibus Apostolicis, necnon Custodia, ac Provincia, & Ordinis praefatorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis in contrarium praemissorum quomodolibet, concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Dat. 15. Julii 1675. An. 6.

Datum Romae apud S. Mariam Majorem sub Annulo Piscatoris die 15. Julii 1675. Pontificatus nostri Anno Sexto.

I. G. Slusius.

Registr. in Secret. in Lib. Brevium Mensis Julii par. utraque fol. 318.

Licentia fundandi Conventus, ubique Locorum Ord. B. Mariae de Mercede Redemptionis Captivorum tam Calceatorum, quam Discalceatorum de sola Licentia Ordinariorum Superioribus d. Ord. concessa ad limites Constitutionis Clementis X.

LXXXIX.

CLEMENS PAPA X.

Ad perpetuam rei memoriam.

Militantis Ecclesiae regimini per ineffabilem divinae Clementiae abundantiam nullo licet meritum nostrorum suffragio, praesidentes, ad ea, quae Conventus, & alia loca Regularia ad Omnipotentis Dei gloriam, & Religionis, piorumque operum incrementum, atque Animarum salutem ubique Locorum erigi valeant, propensis studiis intendimus, ac Pastoralis Officii nostri partes desuper interponimus, sicuti omnibus maturae considerationis trutina perpensis, salubriter expedire in Domino arbitramur.

Exordium.

§. 1. Exponi siquidem nobis nuper fecit dilectus Filius Franciscus de Sancto Marco Procurator Generalis Ordinis Fratrum Discalceatorum nuncupatorum B. Mariae de Mercede Redemptionis Captivorum, quod cum dudum fel. rec. Paulus PP. V. praedecessor noster Superioribus, & Religiosis Ordinis Fratrum ejusdem Beatae Mariae Virginis de Monte Carmelo Discalceatorum nuncupatorum, & ubique locorum, quilibet in Districtu suo Domos, & Monasteria juxta Concilii Tridentini Decreta de sola licentia Ordinariorum, nullo aliarum Personarum cujusvis Ordinis etiam Regularium requisito consensu, condere, fundare, & erigere valerent, licentiam, & facultatem auctoritate Apostolica sub certis modo, & forma tunc expressis, concesserit: & subinde rec. mem. Gregorius Papa XV. pariter praedecessor noster eidem Fratribus Discalceatis Ordinis B. Mariae de Monte Carmelo, illorumque Superioribus, ut Domos, & Monasteria hujusmodi, etiam si illa aliis Domibus Regularibus Ordinum Mendicantium magis vicina essent, quam in Privilegiis illis concessis praescriptum est; dummodo tamen expressus Ordinariorum Locorum ad id accederet assensus, fundare, & erigere possent pari auctoritate indulerit; ac postmodum pia mem. Clemens PP. IX. etiam praedecessor noster literas Pauli, & Gregorii praedecessorum praefatorum super praemissis respective emanatas Apostolica similiter auctoritate confirmaverit, & approbaverit, & alias, prout in ipsius Clementis praedecessoris Literis desuper in simili forma Brevis die 6. Octobris 1668. expeditis, uberius continetur.

Indultum Pauli V. concessum fratribus Discalceatis Carmelitibus.

Gregor. XV. d. Indultum ampliavit.

§. 2. Dicitque Paulus, & Gregorius praedecessores similia privilegia Fratribus Discalceatis Ordinis Minorum, seu S. Francisci de Observantia nuncupatorum per suas pariter in forma Brevis die 5. Septembris 1606., & die 23. Decembris 1621. respective expeditas Literas concessisse reperiantur: ipse Franciscus Procurator Generalis Fratres tam Calceatos, quam Discalceatos d. Ordinis B. Mariae de Mercede Redemptionis Captivorum consimilibus Privilegiis, & Gratiis ex nostra, & hujus S. Sedis benignitate decorari summo opere desiderat; nam quamvis hic Ordo omnibus Privilegiis, & exemptionibus, quae aliis omnibus Ordinibus tam Mendicantium, quam non Mendicantium concessa sunt, vigore amplissima concessionis eidem Ordini a nobis per quasdam nostras etiam in forma Brevis Literas die 22. Octobris 1670. ema-

Paul. V., & Gregor. XV. similia Privilegia concesserunt Fratribus Discalceatis Ordinis Minorum S. Francisci de Observantia.

Hic Privilegiis decorari cupiunt Fratres tam Calceati, quam Discalceati Ord. B. Mariae de Mercede. Hic ordo gaudet omnibus Privilegiis, & exemptionibus.

bus, quæ aliis omnibus Ordinibus tam Mendicantium, quam non Mendicantium sunt concessa.

Super hujusmodi communicatione carent authenticæ litterarum Apostolicarum.

Preces.

Abolutio à Censuris.

Pontifex dd. Privilegia Pauli V., & Gregor. XV. extendit etiã ad Fratres tam Calceatos, quam Discalceatos Ord. B. M. de Mercede Redemptionis Captivorum prout in rubrica.

Decretum irritans.

Contrariorum derogatio.

Fides transumptorum.

Dat. 19. Jul. 1675. An. 6.

natas, factæ, & consequenter facultatibus prædictis gaudeat, Fratres tamen ipsius Ordinis eadem facultates ad praxim deducere nequeant; quippe qui authentico Litterarum Apostolicarum super concessione facultatum hujusmodi expeditarum, exemplo delituri reperiantur.

§. 3. Nobis propterea præfatus Franciscus Procurator Generalis humiliter supplicari fecit, ut in præmissis opportune providere de Benignitate Apostolica dignaremur. Nos igitur ipsius Francisci Procuratoris Generalis voris in præmissis quantum cum D. possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, Superioribus, & Religiosis prædicti Ordinis B. Mariæ de Mercede Redemptionis Captivorum, tam Calceatis, quam Discalceatis ad limites præfatarum Clementis IX. prædecessoris Litterarum Apostolica auctoritate tenore præsentium indulgemus, ut ubicumque Locorum quilibet in suo Districtu Domos, & Monasteria juxta Sacri Concilii Tridentini Decreta de sola licentia Ordinariorum Locorum, nullo aliarum Personarum Ecclesiasticarum, & cujusvis Ordinis Regularium requisito consensu, etiam prædictæ Domus, & Monasteria aliis Domibus Regularibus Ordinum Mendicantium, magis vicina essent, quam in Privilegiis Ordinum Mendicantium hujusmodi concessis præscriptum est, servata in reliquis Constitutionum Apostolicarum forma, condere, fundare, & erigere possint: salva tamen semper in præmissis auctoritate Congregationis eorundem Cardinalium.

§. 4. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quocumque spectabit in omnibus, & per omnia plenissime suffragari: Sicque in præmissis per quoscumque Judices Ordinarios, & delegatos etiam causarum Palatii Apostolici Auditores, judicari, & diffiniri debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ in supradictis Clementis IX. prædecessoris Litteris concessa sunt non obstare, cæterisque contrariis quibuscumque.

§. 6. Volumus autem, ut earundem Litterarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides in Judicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 19. Julii 1675. Pontificatus nostri anno sexto.

I. G. Slusius.

Registrata in Secretar. in lib. Brevium Mensis Julii parte utraque fol. 810.

XCI.

Statutum, ut de cætero qui Convictores Collegiorum Pontificiorum Anglorum, Græcorum, Maronitarum, Scotorum, ac Hibernorum

recipiuntur, Alumnis ipsorum Collegiorum in victu, & vestitu, totaque domestica disciplina se conformare debeant.

CLEMENS PAPA X.

Ad futuram rei memoriam.

Cum (sicut accepimus) ad rectam Juventutis institutionem in Collegiis Pontificis Anglorum, Græcorum, Maronitarum, & Scotorum de Urbe, quorum cura dilectis filiis, & Clericis, seu Presbyteris Regularibus Societatis Jesu, auctoritate Apostolica demandata reperitur, ac etiam in Collegio Hibernorum de eadem Urbe cujus curam bon. mem. Ludovicus S. R. E. Cardinalis Ludovicus nuncupatus illius Fundator, pro tempore existenti Præposito Generali d. Societatis commisit, ipsorumque Collegiorum, & in eis degentium quietem, & felicem progressum plurimum expediat, ut inter Alumnos, & Convictores dd. Collegiorum in victu, & vestitu, totaque domestica disciplina uniformitas servetur, ne ex diversitate oriantur dissidia, & perturbaciones, quæ finem institutionis eorundem Collegiorum ad Dei gloriam, Fideique Catholicæ conservationem, & propagationem pie prudenterque erectorum, impedire valerent.

§. 1. Hinc est, quod nos prædictorum Collegiorum, in eisque nunc, & pro tempore commorantium quieti, ac felici, prosperoque regimini, & progressui quantum nobis ex alto conceditur providere cupientes, Motu proprio, ac certa scientia, & matura deliberatione nostris, deque Apostolicæ potestatis plenitudine, ut de cætero omnes, & singuli cujuscumque status, gradus, Ordinis, & conditionis existant, qui in Convictores memoratorum Collegiorum recipiuntur, Alumnis ipsorum Collegiorum respective in victu, vestitu, totaque domestica disciplina sese conformare debeant, nec in dd. Collegiis commorari ullo modo permittantur, nisi toto tempore, quo in eisdem Collegiis respective convivent, Alumnis sese sicut præmittitur conforment, tenore præsentium perpetuo statuimus, & ordinamus.

§. 2. Volentes, ut Convictores, qui in Collegiis prædictis de præsentibus reperiuntur, intra aliquem competentem terminum ipsis à dilecto filio Jo. Paulo Oliva Præposito Generali Societatis prædictæ pro ejus arbitrio statuendum, sese Alumnis ipsorum Collegiorum respective in victu, vestitu, totaque domestica disciplina, ut præfertur, conforment, alioquin quantocius commode fieri poterit inde demittantur.

§. 3. Ac Decernentes eadem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus & singulis ad quos spectat, & pro tempore quocumque spectabit inviolabiliter, & inconcussè observari: sicque & non aliter in præmissis per quoscumque Judices Ordinarios, & Delegatos, etiam Casuarum Palatii Apostolici Auditores, ac S. R. E. Cardinales, aliosque quoslibet quocumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 4. Non obstantibus prædictis, ac Constitutionibus, & Ordinationibus Apostolicis, ac quatenus opus sit Collegiorum prædictorum erectionibus, & Constitutionibus, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Litteris

Apostolicis

Exordium.

Statuitur in dd. Collegiis omnimoda conformitas inter Convictores, & Alumnos.

Præfigitur terminus dd. Convictoribus pro hujusmodi conformitate sub pœna &c.

Decretum irritans.

Derogat contrariis.